



野趣有聲畫序

楊君家松蘿白嶽下園池林木蔚然大類魏野之居多  
所得趣故其襟懷玉雪不沬點塵然天地間風月常新  
煙雲不斷君磨墨濡毫畫難畫之景以詩湊成吟難吟  
之詩以畫補足觀此一卷則知意匠經營亦良苦矣抑  
作詩如市肆冕旒無人問當疇若顧虎頭畫維摩一日  
責施十萬二日五萬乎予坐詩窮未之能畫今則自惜  
君當自勉乎咸淳六年四月一日古梅吳龍翰拜手



野趣有聲畫上卷目錄

隱居雜興十首

中秋

雨過閒步

鷺

谿行

梅花五首

螢

白杜鵑花

雨後二首

雪



白茅道中

次程斗山韻

次吳篁嶼山行

聞鵑

次程直學秋雨感

弔訥相次仲宣韻二首

始生書懷

黃山

宮詞

次敏齋陳先生月艇

悶書

次米寮尤倅落葉

偶成

次蘭皋自詠

次宋省齋避暑

寓乾明觀五首

大佛頭次程斗山

清明日雨中間鵑二首

借虛谷太博狂吟十詩韻書懷併呈太博十首

一谿趙宰惠詩次韻謝

高齋韓東尉用前韻見寄次韻謝

聽礪泉琴次趙丞韻

生朝

清明後旬日不聞鶉

次程斗山村居韻四十首

見遠樓次敏齋陳先生韻

次汪制議梅巖韻

覽鏡

閏九日

喜晴

促織

除夜

再謁紫極宮

偶得李竹屋居士摘和靖先生梅詩四聯演成八

韻句工而韻險似難繼和愧不自揣僭敢續貂

珠玉在傍覺我形穢五首

江草塘袖詩言別次韻以餞

次蘭皋吳堂長曉起

生朝

贄雨村施權宰

偶題

懶

次黃山中山居韻二首

雪月梅

次趙蓬窗歲暮

有感

旅寓

池塘生春草

偶成

次蘭皋擘蟹

旅寓岑寂中園丁送花四品因賦五絕

次菊坡汪判丞

次蘭皋秋感

次宋省齋立秋

病腰

雪十首

春夜雪再用韻十首

苦雨

次羅梅谷詩畫總觀

雪消

次宋省齋木犀二首

見竹谿羅權府

見古梅吳府教

次宋省齋懷竹洲

探梅

次省齋桂花

池上芙蓉

次朋山鄭管轄韻

次趙都使心田壽域韻

借汪路教韻題趙東麓判丞臨清堂

瀟湘八景八絕

上趙相公二首

次姚吏隱惠詩韻

龍金庵次壁間韻

學稼

學圃

學漁

學樵

次江草塘

次黃山中進退韻以餞

次吳篁嶼贈別

次余靜庵寒夜詩思二首

臘梅

逗春海棠

除夜



野趣有聲畫卷上

新安楊公遠叔明撰

後裔表正儀邦重輯

隱居雜興十首

碧雲深處着吾廬  
遠卻喧囂儘自如  
呵硯磨冰朝鍊句  
擁爐燒葉夜觀書  
人生窮達乘軒鶴  
世事盈虛賦芋狙  
勘破已無朝市夢  
輒紅端不上衣裾

身世悠悠付等閒  
廬全破屋恰三間  
暫時結伴窗前月  
耐久論交戶外山  
竹鼎篆香消更蕪  
錦囊詩卷改還刪  
是非榮辱俱烏有  
翻笑人間兩觸蠻

老屋荒寒亦自清  
柴門雖設只長扃  
數行古隸閒居賦  
半壁行書陋室銘  
原缺研朱滴露勘黃庭  
此生與世雖



無補筆底青山到了青

生計新來喜有涯  
蒔菘栽韭樹桑麻  
慣眠紙帳三竿日  
飽聽萍池兩部蛙  
往事真成看墮甌  
凡身安敢望乘槎  
一般受用還官樣  
門外黃蜂爲報衙

鬢鬆兩鬢欲成絲  
又是桃紅李白時  
百歲光陰須藉酒  
一生志趣莫過詩  
世情因向貧中識  
畫思方知老後宜  
卻喜半犁新雨後  
旋缺菊本時東籬

一味幽閒了此生  
那曾懷刺謁公卿  
無官可署名雖晦  
有句堪吟思自清  
碁要藏機何用着  
琴能識趣底須聲  
何當辦取青蓑笠  
去趁農夫學耦耕

蕭然天地一吟身  
着向荒村野水濱  
耳底松聲風奏樂

窗間竹影月傳神  
無田種秫難謀醉  
有硯遺家未是貧  
除卻推敲無別事  
襟懷拍塞四時春

籬編紅槿障蓬茅  
半近城闌半近郊  
苔繡曲蹊千萬點  
梅窺碧沼兩三梢  
閒將今古澆胷臆  
懶把榮枯問卦爻  
一自漁樵分席後  
清泉白石與論交

槎牙詩骨等梅臞  
試啓青銅失故吾  
啖蔗祇應佳境近  
解袍那想故人無  
推排景物歸吟卷  
安頓江山入畫圖  
只此可堪供活計  
底須舍瑟學齊竽

詰曲通村小徑開  
依山結屋任低隈  
無從問字高人過  
有不嫌貧長者來  
煮茗燒殘柴帶葉  
脫巾漉起酒和醅  
絕憐筆硯香猶在  
集句曾贖百詠梅

中秋丁卯

秋氣平分雨乍晴殘雲斂盡楚天清野人不趁缺花課  
贏得今宵看月明

雨過閒步

霏微雨過不成泥小步何妨曳杖藜半露好山雲斷續  
輕籠淡日樹高低池塘有夢春生草桃李無言下自蹊  
欣此新晴猶未定那堪又聽竹雞啼

鷺

飄然片雪下晴空終日盤旋淺瀨中行近鷗鳧風致別  
立依蒲蓼畫圖同數莖絲髮心何慮一世魚食體不豐  
歷遍江湖真漫浪前身應想是漁翁

谿行回文

通村一徑遠清谿緩步行來曳杖藜風弄柳絲垂裊裊  
紅桃映水壓枝低

梅花五首

草木根荄暝未回原缺二句老榦槎牙一半摧水急可曾流  
影去雪深還不礙香來赤松孤竹真渠友萬紫千紅總  
卓臺

高標獨立歲寒時不受狂蜂浪蝶知樹百千年枯更好  
花三兩點少爲奇暗香疏影孤山句卻月凌風水部詩  
顧我對渠吟未穩且將澹墨貌橫枝

屋檐斜入一枝低欲爲形容頗費思瀟灑花栽冰腦綴

野趣齋書  
橫斜幹倚斗杓垂風浮香動更闌後窗印枝橫月轉時  
最是孤高難着語只宜索笑莫言詩

橫隔片煙爭向靜深藏翠幕全眞性霞拖數縷日初沉  
月挂一眉天未暝問信頻敲碧玉枝覓詩踏徧蒼苔徑  
有時小醉倚幽窗只藉清香聞得醒

半黏殘雪不勝清可惜梢頭欠月明影不橫斜冰未泮  
香微漏洩曉初晴餐檀蘇武應同調披氅王恭想再生  
忍凍保全清節在爲渠從此定交盟

螢

飛螢生腐草熠燿暗中遊貼水燈相照穿林火獨幽風  
前疑燼落雨裏訝星流映讀除車胤今人肯效不

白杜鵑花

從來只說映山紅幻出鉛華奪化工莫是杜鵑飛不到  
故無啼血染芳叢

雨後

春色相將老幽禽百樣吟一犁新雨驟滿地落花深麥  
秀風翻浪秧青水透鉞年登應可卜稍稍慰儂心

前題

沛然缺霏戰驕陽颯颯風來作晚涼吹散浮雲澄玉宇  
敲殘枯葉墮銀床韓檠擢用因書薦班扇投閒被雨妨  
自此吟情辜不得一秋景物要平章

雪



怪得雲頑凍不開，漫空忽攪豆稽灰。青留一半窗前竹，白勝三分屋外梅。剡曲舟應撐月去，灞橋驢想得詩回。吾懷喜有煎茶興，不羨銷金帳底栝。

白茅道中

支筇過嶺坳，對景試推敲。野水書之字，山田畫卦爻。雲歸峰露頂，葉落樹留梢。問此名何地，人言是白茅。

次程斗山韻

口作蒼吟肩聳山，了無縈繫一生閒。夢回春草池塘外，詩在梅花煙雨閒。但得雙眸長炯炯，從教兩鬢自斑斑。此身窮達何消問，天道乘除去復還。

次吳篁嶼山行

詰曲深林小徑斜，杖藜徐步訪山家。老翁原缺二字無祇待禁酒官嚴又禁茶。

聞鶉

庚午春時寓乳谿

帝魄聲聲切教儂，聽不禁都緣傷國破。豈是怨春深枕上幽人思，燈前逆旅心花枝凝恨血。到處映山林春闌，聞杜宇歸去意難禁。蜀道連天險，鄆城隱霧深。差池當日事，懊恨此生心。閱世多興廢，君休憶故林。

次程直學秋雨感

一雨戰秋陽，風生衣袂舉。更不假蒲葵，秋陽眇何許。渾如赫赫人，其枝只鼯鼠。須信有循環，涼生屏煩暑。此意默領會，何勞向人語。

野趣齋書  
弔訥相次仲宣韻

兩字清忠帝袞褒都緣穩把濟川篙後來諸老多成敗  
何似先生勇退高

官居鼎鼐只儒酸雅澹襟期耐歲寒拂袖乘箕天上去  
斑斑青史後人看

始生書懷

非賢非智半癡聾性稟天然雅澹中間閱廢興槐國夢  
細思得失楚人弓事無欺世心何愧詩爲傷時句不工  
卻謝梅花開幾點年年此日伴山翁

黃山

借黃台題問政山房韻

古今墨客兼騷客推許黃山甲衆山三十六峰層漢外

百千萬岫亂雲間煉丹帝往名常在搗藥仙歸白已閒  
葉落花開人寂寂雄鳴嶋和鳥關關瀑湍巖罅常飛沫  
砂現崖巔未帶殷水畔青牛眠正穩源頭白鹿去仍還  
清潭易見魚翻錦幽洞難窺豹露斑着罷棊枰留嶂頂  
流來桃片點谿灣鸞翔弄影非無侶鶴唳衝天豈類鷗  
空谷代柯樵父遠平川喚犢牧兒頑石竝傾注泉那竭  
瑤草敷榮地匪慳老檜絡藤纏天矯蒼苔蝕徑繞回環  
遙知衲子明空苦應笑貪夫競觸蠻斷續小橋艱跋涉  
崎嶇絕磴費躋攀枝頭果熟猿爭取樹杪枯鶻爲刑  
虎踞風前疑嘯吼龍潛潭底想盤跼水簾珠貫何曾捲  
石室雲封底用攔對峙容浮高聳峭合流曹院響溪潺



湯泉浴起能輕骨藥鼎餐遺可駐顏勝槩不窮吟不盡  
一時模寫在人寰

宮詞

燕語鶯啼日正長六宮桃李鬧春光妾身雖未承恩澤  
卻喜君恩澤萬方

次敏齋陳先生月艇

小池新艤野航輕分得江湖一段清最是好天良月夜  
嬋娟冷浸入窗明

悶書

悶來咄咄向空書怪底年來每事疏着腳左如旋磨蟻  
進身難似上竿魚不逢賢者休彈鋏謾說侯門可曳裾

畢竟歸農爲上策買將蓑笠去耕鋤

次水寮尤倅落葉

陡覺老秋郊山臞出嶺坳蕭騷風脫葉清峭樹留梢漸  
失牛羊徑難藏鸛鵲巢爐燒供夜讀童掃莫輕拋

偶成

世路崎嶇蜀道難長年兀兀坐柴關詩才得句心先喜  
事不縈懷夢亦閒已種蒼竿環碧沼旋營矮屋倚青山  
儻來軒冕雖無分贏得優游天地間

次蘭皋自詠

生來無分對書燈卻喜逢人便眼青枵腹謾臨求米帖  
學耕頻勘相牛經峻嶒骨相身長健磊砢襟懷鬢未星

密掩柴扉盤膝坐人非人是底須聽

次宋省齋避暑

何處避炎威好是幽人屋拂拂來清風蒼松間修竹坐  
久細哦詩惜不療飢腹念彼田舍翁桔槔聲斷續誰知  
漢陰老抱甕灌園韻叶顧我本無機所願年穀熟

寓乾明觀五首

梗迹寄琳宮蕭然萬慮空觀碁評勝負拂劍認雌雄香  
篆消還續竝花白間紅自憐閒雅趣恰共羽流同  
無奈雨潺潺驅除惡况難三椽官酒薄一掬客心酸畫  
卷慵拈起書編謾展看更誰堪與話時對老黃冠  
多謝老彌明金芽石鼎烹一甌浮雪白兩腋覺風清齒

頗回真味詩聯悟道情北窗高臥處魂夢到蓬瀛  
丹室白雲深紅塵不受侵鳴琴驚鶴夢彈鋏恐龍吟只  
有清虛事全無名利心謝渠爲下榻買酒共儂斟  
月色上窗紗移來竹影斜夜深人已寂更轉鼓頻過杜  
宇驚幽夢銀缸墜細花一時渾不記身在羽人家

大佛頭次程斗山

丈六金身本自然如今丈六未齊肩當時若起亭亭立  
只恐纔餘尺五天

清明日雨中聞鶉二首

蜀魄抑何靈年年不負盟才過百五日便作兩三聲渠  
自懷歸計人因惱別情淒涼無處着那更雨如傾

家輕授鼈靈不擬再尋盟故業成荒址中心飲恨聲廢  
興猶反掌今古總傷情最是初聞處令人淚欲傾

借虛谷太博狂吟十首詩韻書懷併呈太傅十首

鍾鼎簞瓢信宿緣且將閒逸度餘年詩敲雪月風花夜  
畫捲江湖煙雨天三尺焦桐方外友一泓老硯郭邊田  
自慚野趣無拘束敢和清吟一十篇

竹馬纔拋又是翁年來自覺轉疏慵欲開竹下三三徑  
還藉毫端六六峰處世竟無非理事對人那有可慙容  
浮沉聊爾從吾好卻笑南陽說臥龍

幽事知誰可共論煙浮清曉月黃昏吟梅細味逋仙句  
植蕙閒招楚客魂暴富小池蛙奏樂安貧陋屋席爲門

吾生幸自無榮辱一任佞人笑作村

頭顱搭颯一山翁萬事隨宜敢諱窮不結束華塵土夢  
何干北海馬牛風半生蹤迹從容裏一片襟期冷澹中  
兀坐有時參世味古今興廢轉頭空

失笑如何了此生須教日日醉烏程是非不較人情好  
窮達休論世路平釣月耕雲何限樂枕流漱石有餘清  
近來轉覺身強健賸喜雙瞳炯炯明

書劔謀生總不成效渠東野以詩鳴未知唐宋源流異  
卻喜江湖句法輕肩聳每同臞鶴立口吟端似冷螿聲  
自憐絕少驚人語生怕人傳浪得名

一生不把兩眉愁厭聽瓢聲笑許由願荷鋤來翻畎畝



懶攜刺去謁公侯酒傾明月清風夜詩琢空山落木秋  
坎止流行俱莫問自然霜雪未蒙頭

吾廬近野卻依城彈壓風光藉酒兵山色可供圖書趣  
泉流聊當管絃聲眼前無事方安逸天下豐年卽太平  
權勢從來難倚仗祇宜孤立度浮生

身世悠悠歲月侵兒時歷練到如今梅臞元稹水霜操  
松老猶堅鐵石心世道任從渠否泰人情豈爲我辰參  
欲知卜隱在何處寂寞荒村煙樹深

徑曲通村深復深聽鶯吟歇聽蟬吟園林幽雅已成趣  
朝市紛華豈到心匣冷馮驩長鈇壁懸元亮不絃琴  
故知忤世皆緣直有口從今只合瘖

一谿趙宰惠詩次韻謝

古歛遭逢定宿緣作成和氣致豐年一谿浪靜一谿月  
百里民安百里天草茂園扉花滿縣雨餘村落水通田  
正慙欠識荊州願忽拜雕冰鏤玉篇

嵩齋韓東尉用前韻見寄次韻謝

世間名利我無緣飽看黃花又一年鬢有幾根從帶雪  
心無一事可欺天築居易辨觀梅閣取醉難謀種秫田  
欲謁昌黎論此意那知先已寄新篇

聽礪泉琴次趙丞韻

來謁礪泉琴都忘利與名初聞心地爽飽聽耳根清三  
峽流波勢九臯鳴鶴聲更期明月夜共此暢幽情

生朝已已

初度今朝四二年頭顱堪笑尚依然故廬僅有三間月  
負郭曾無二頃田雅澹生涯圖畫裏清新吟思竹梅邊  
焚香只祝吾親健此外窮通付老天

清明後旬日不聞鶉

過了清明又一旬不聞杜宇免傷情算渠會得羈人意  
應向山林僻處鳴

次程斗山村居韻十首

隱迹深村裏年今四十餘漫攜三寸管欠讀幾行書愛  
竹和煙種移梅帶月鋤簞瓢還自樂飯糗茹青蔬  
瀟灑園池上依然一故廬蒼苔封曲徑老鶴伴閒居計

拙身還逸顏酡鬢任疏日長無个事窮達儘教渠  
山勢主賓立谿流涇渭分景幽詩易得興逸酒難醺有  
累營家燕無心出岫雲若言朝市事毫髮不曾聞  
融和天氣好攜杖作清遊景物自消長禽言或去留人  
登山際寺花映水邊樓欲寫歸吟卷敲推手不休  
搔頭無別想得句但長吟懶到風波地堅存鐵石心人  
情從冷熱世態任浮沉卻喜虛簷外清吹滿竹林  
茅結兩間月白雲分半間利名俱棄捨雲月共清閒來  
轍元無俗論交賴有山謝渠梁上燕社後又飛還  
山中閒宰相日日有蜂衙劔戟門前竹鎗旗鼎內茶鶯  
歌喉宛轉蝶舞翅斜只此堪娛樂何消解語花



野趣不虛書  
村曠多幽趣誰言景象稀雲敲山卸帽苔長石添衣一  
歲驚春老千林覺綠肥可憐雙蛺蝶又徇菜花飛  
生來疏拙甚怕與俗流同頗識一丁字寧牽兩石弓夜  
敲篩柳月曉對落花風但得身無事何消效送窮  
詩骨清臞甚幾如沈隱侯自編籬象眼爲護筍貓頭日  
有邛園樂身無俗態愁憐渠名利客汨汨幾時休

再用韻十首

非郭非山住蕭然樂有餘晝長延客話夜靜課兒書藥  
潤晴時曬畦澆雨後鋤近來生計好新味富佳蔬  
數椽欲壓髣髴玉川廬不結市朝夢惟便水竹居靜  
中諳世味貧裏見親疏忽怪幽池漲源通灌稻渠

村深林密處路向小橋分屋老誅茅葺腸枯借酒醺廢  
興隨反掌富貴等浮雲近更澆漓甚傷懷不忍聞  
林塘幽復僻俗士可曾遊景物因人勝茶瓜爲客留納  
涼尋密竹凝眺倚層樓浮世榮枯事從今莫問休  
閒拂蒼苔坐新蟬伴我吟有山堪着眼無事可縈心風  
細荷香度池清鳥影沉詩成慙句拙那得落雞林  
孤竹赤松子定交泉石間不關渠勢利落得自蕭閒晝  
寫景中景雲分山外山興來時散策興盡便知還  
遶簷森竹木環列類排衙供客何消酒論文只藉茶禽  
聲喧晝永日影印窗斜更有清虛事凭闌看藕花  
地僻人煙少林深轍迹稀折蕉當巨扇裁葛作單衣田

里起補書  
綠秧初遍梅紅雨後肥茅簷喧鬧處紫燕引雛飛  
平生邱壑趣閒雅更誰同養竹苔三徑栽花地一弓  
邊消永日琴上鼓熏風靜裏謀生計優游道不窮  
骨相寒如許那封萬戶侯紅顏非藉酒白雪未蒙頭  
少渾無夢身閒豈有愁老天能覆我飽喫四宜休

三用韻十首

卜築郊垆外寬閒一畝餘汲泉朝灌菊炙燭夜觀書  
酒熟邀朋酌園荒課僕鋤喜嘗紅稻飯旋薦晚菘蔬  
地不喧車馬蕭然一草廬曲通樵牧逕正合野人居  
秋老欣禾熟林寒覺葉疏高歌仍鼓腹世事豈關渠  
屋頭明月上此夕又秋分千里人俱共三杯酒自醺河

清疑有水夜永喜無雲桂樹婆娑影天香滿世聞  
人生期滿百有興且追遊白髮來非約青春去莫留  
兔鳥雙轉轂今古一凭樓莫問窮通事從今付分休  
夜涼清似水淒切只蒼吟喚起離人思催殘懶婦心  
敲梧風淅淅篩竹月沉沉顛氣微茫裏依稀見遠林  
性野耽幽隱茅茨一二間身伴黃鶴瘦心與白雲閒  
囊裏詩無俗毫端畫有山忽驚時節換塞鴈又南還  
不作皺眉事何煩古押衙且嘗桑落酒更淪雨前茶  
風銳霜初結天寒日易斜莫言秋色老猶自有黃花  
陡覺秋蕭索林端葉漸稀菊殘堪作枕荷老不成衣  
着句愁詩俗持螯喜蟹肥晚來風色緊吹起荻花飛

生計雖隨分年來迥不同窮通槐國夢得失楚人弓世  
事埋雲月人情過耳風但教強健在佳况自無窮  
無官堪受祿有橘當封侯俗事退三舍吟情出一頭策  
筇枝縱步買竹葉澆愁又是秋歸去推移不暫休

四用韻十首

探梅時節近春小已秋餘飯足農家樂年豐史筆書籬  
隈眠蠶粟池淺立春鋤對景閒吟句風騷沒筍蔬  
朝市何曾夢山林自結廬清幽無俗事蕭灑類僧居地  
鎖苔痕潤池窺竹影疏每番新雨後門外水成渠  
朔風號萬竅冷色倍三分楫柁爐偏映茅柴酒易醺烘  
梅慳愛日釀雪布彤雲个是豐年瑞吾儂政樂聞

小醉初醒後衝寒作興遊宿雲山頂散殘雪樹根留簷  
漏懸冰柱風威凍玉樓欲吟吟未穩歸擁地爐休  
夢覺燈初燼搔頭謾短吟人生隨宿分世慮莫縈心霜  
結風聲息參橫月影沉此時朝市客爭似臥家林  
活計人知否無聲詩句間高低煙樹古來往釣舟閒練  
挂千尋瀑屏圍幾座山天涯無限景只仗筆追還  
捲起黃紬被何消道放衙瓦盆常貯酒雪水旋煎茶但  
得詩聯穩從教竹屋斜助儂高興處索笑共梅花  
六出新裁就漫空密又稀獨行無鶴氅冷臥有牛衣竹  
頂千鈞重梅添十倍肥品題輸謝女柳絮逐風飛  
愛梅能獨立不與衆芳同花貯香千斛梢籠月一弓倚



松還倚竹洗雨更梳風和靖清吟後題評愈不窮  
因循身漸老性懶謁王侯嘗到新藍尾翻餘舊歷頭春  
來雖可喜歲去抑何愁桃板書聯句三平二滿休

見遠樓次敏齋陳先生韻

目欲窮千里樓頭着意看雲橫知岫遠野迥覺天寬對  
景詩懷壯乘風衣袂寒主人還解事容我恣憑闌

次汪制議梅巖韻

梅倚幽巖頂花開碧蘚枝了無脂粉態惟有雪霜姿一  
點香清遠千年樹倔奇和羹風味在那許浪題詩

覽鏡

覽鏡顏非昔相將老態催青春彈指去白雪上頭來興

逸三枯酒詩清百詠梅襟期除此外萬事付悠哉

閏九日

九日重逢惱肺腸世情底事便炎涼今朝有酒還堪醉  
不信黃花不復香

喜晴

厭聽滴簷聲風回喜乍晴潤添新柳重瘦損落花輕山  
翠雲初斂谿渾水漸清野人無別事杖策又郊行

促織

促人機杼意殊深徹夜啾啾不絕吟莫入五侯庭院去  
青娥紅粉少知心

除夜

老境漸相干饒鬢未斑歲華今夜換天道此時還累  
重家常儉身輕心自閒莫愁生計薄筆底有青山

再謁紫極宮

一去重來已十年頭顱堪笑尚依然何當了卻塵紛事  
來結梅花紙帳緣

偶得李竹屋居士摘和靖先生梅詩四聯演成八  
韻句工而韻險似難繼和愧不自揣僭敢續貂珠  
王在倚覺我形穢五首

疏影橫斜水清淺冰容不比尋常見若非采石謫仙魂  
定是汨羅騷客面鶴膝枝低俯鏡奩鴨頭波靜澄江練  
憑誰說與老孤山敢續君詩君莫厭

暗香浮動月黃昏斗轉參橫月闌門一綫香通清曉夢  
數枝影寫悄詩魂荒寒老屋疏籬處寂寞斷橋流水村  
青女橫陳雞唱徹懸知煙霧暝雲根

雪後園林纔半樹支筇細認孤山路雲頑未斂風更嚴  
木凍且僵天欲暮冷蘂依稀無處尋清香髣髴暗中度  
翻思立馬老坡翁月上黃昏方得句

水邊籬落忽橫枝不受狂蜂浪蝶知萬紫千紅俱寂寞  
三花五蘂自新奇風號浪湧連天起雪作雲凝拂地垂  
此景此時難着腳輸渠耐冷立潛潛

池水倒窺疏影動任渠羌管吹三弄碧波清淺淨無痕  
老榦槎牙堅耐凍花放羞同桃李場香來偏惱詩人夢



當年曾醉老師雄翠羽雙雙疑作鳳

江草塘袖詩言別次韻以餞

數日君不來欲賦暮雲詩今朝忽過我歡然如先期談  
論已忘倦坐臥尤忘機正爾躊躇間袖出言別詩且知  
束錦囊屆途無多時使我心爲感使我心爲悲此意竟  
何如寫作送行詩君不鄙我句喜色形鬚眉明朝天一  
方胥會知何時

次蘭臯吳堂長曉起

曉起披衣不耐寒搔頭自愧轉疏頑吟情冷淡梅花外  
畫思微茫煙雨間有興無妨終日醉無求贏得此生閒  
要知人事循環理歲月推移去復還

生朝

浮生四十自今朝一味清閒宿分招山在筆端長不老  
雪於鬚裏幸相饒有時得句難緘口無事千人懶折腰  
多謝梅花爲我壽年年先放小谿橋

贅雨村施權宰

旌旆來時桂未華如今煙柳又藏鴉一塵不着千家月  
萬象無私滿縣花草茂園扉春寂靜吏閒庭院燕喧譁  
剝膺當路飛騰剡玉筍催班已有涯

偶題

鶯黃又染柳絲絲自笑勞生作麼爲雨未雲耕三寸管  
風櫺月牖一聯詩酒逢知己何妨醉事不如人且待時

里起有聲畫  
祇憊眼前隨分去展開懷抱豁雙眉

懶

疏懶春來分外添蒲團兀坐地爐邊關心事少夜慳夢  
酌酒杯多晝亦眠琴有徽絃姑挂壁詩無眼目漫成篇  
自憐不似門前柳才得東風翠拂天

次黃山中山居韻

山居無一事所得趣何深閱世秋聲賦存心夜氣箴步  
徐攜葛杖興逸鼓嵇琴最喜疏籬下悠然見翠岑

又

結茅林麓久老大鬢絲多浮世幾碁局生涯一釣簑位  
卑希少室飲醉達無何勘破紅塵事風恬水不波

雪月梅

寒梅開後雪初晴斂盡殘雲月又生月映雪時梅更好  
梅橫月處雪爭明羨渠結伴成三白添我相親卽四清  
今夕細吟詩說與來年此際莫寒盟

次趙蓬窗歲暮

人間麻日又天頒造化推移豈暫閒春到卻添詩思好  
年高何惜鬢毛斑非干已事慵開口不受人情免厚顏  
試問近來知我者梅花之外只青山

有感

勘破浮生且任真底須苦苦役精神靜觀歷代千張紙  
細數英才幾掬塵朝市只尊黃閣貴山林誰念素衣貧

何如領取閒風月贏得襟懷日日春

旅寓

憶昔離家日村村煮蠶香因循淹五月次第過重陽排  
悶詩多感懷歸夢最長若言名利事都只付凶羊

池塘生春草

燕寢凝香夢更清夢回得句快吟情可憐人化遼天鶴  
池上年年草自生

偶成

抱膝長吟更短歌百年身世易蹉跎事逢如意從來少  
詩不驚人空自多暖日烘時花着子東風吹後草成莎  
看渠天道無私覆寒谷陽春有腳磨

次蘭皋擘蟹

江湖郭索草泥行不料遭人入鼎烹勇恃甲戈身莫衛  
富藏金玉味還清持螯細嚼仍三詠把酒高吟快一生  
鱸膾侯鯖應退舍算渠只合伴香橙

旅寓岑寂中園丁送花四品因賦五絕

倚遍闌干日欲斜春光撩動客思家園丁頗識人岑寂  
特地攜來四品花

玉蘂花開觸處芳蕊餅安頓細平章怕渠不肯梅花弟  
能趁春風七里香

右山礬

百葉天桃簇絳綃向人含笑態妖嬈開元天子曾擡舉  
簪向妃冠恨便消

右緋桃



西蜀名花別樣芳玉環睡起試新妝化工還有無情處  
祇與胭脂不與香右海棠

粉綃細翦綴枝條無奈盈盈笑靨嬌最是短籬遙認處  
渾如臘雪未全消右雪條

次菊坡汪判丞

襟期坡上菊稟得一天秋德述須銀管詩吟聳玉樓不  
關心富貴愛隱迹林邛只恐符商夢桃源莫可留

次蘭臯秋感

向晚郊墟送嬾涼征鴻點點又南翔年光迅似離絃箭  
世事艱於上水航月不冷炎來戶牖詩多淒怨感蒼蠶  
秋容莫道全蕭索籬菊芙蓉競試妝

次宋省齋立秋

纔見春花榮又見春花謝花謝綠成陰瞬目逢炎夏誰  
知俯仰間祝融便回駕卻喜西風來美矣難酬價且效  
柴桑人寄傲南窗下此意自領會那許倚人借所願無  
榮辱靜中觀物花

病暑

偶病暑疼失步傷艱行終日坐胡床非干騎鶴因錢重  
豈是懸魚爲帶長倒屣蔡邕那敢效休官陶令卻相當  
名方細檢無良劑祇好頻頻酌酒漿

雪十首

萬籟更深寂不鳴窗間恍覺月微明情知是雪疑非雪



忽聽前村折竹聲  
無奈風威冷逼衾起來搔首更披襟方知攪下漫空雪  
已積堦前尺許深

祇應王母宴瑤池宴罷羣仙趁醉歸駕鳳鞭鸞仍馭鶴  
滿空風捲羽毛飛

天教塵世換規模萬象憂愁心未孚一夜蒼松鬚白盡  
青山頓覺老頭顱

堆瓊積玉遍堦除个是騷人富貴餘莫道得渠無用處  
寒窗能映夜觀書

造化須臾變物華園林無處不梅花三間矮屋清谿上  
疑似林逋處士家

誼呼童稚塑師兒髣髴形模便有威枯炭點睛鈴用橘  
酒林疊疊印毛衣

臘前三白兆豐年此語農家萬古傳近值世更人事改  
生民全藉老天憐

雪滿乾坤月滿天剡谿風景尚依然戴逵仙去徽之歎  
乘興無人更擢船

徹夜陰風恣怒號誰家帳底飲羊羔何如楮榼爐邊坐  
雪水煎茶興未高

春夜雪再用韻

已卯正月初三

東風怒撼樹稍鳴凍住頑雲黯不明兀坐爐邊閒側耳  
春蟲撩亂撲窗聲

向曉披衣更擁衾略無一事惱胸襟起來點檢窗前雪  
地上無多屋上深  
請夢闌情草滿池東皇已向歲前歸怪渠楊柳搖金未  
底事漫空絮便飛

江梅帶雪狀模糊梅雪相逢意不孚雪遜無香梅遜白  
雪消梅現舊頭顱

茆簷堆積未消除仔細觀來半尺餘臘後春前知幾白  
豐年可卜史官書

瓊林玉樹競奢華老眼光搖眩有花莫是幻成銀色界  
樓臺勝處梵王家

仙禽灑羽半天飛疑是歸來老令威妝點江鄉堪入畫

漁翁披得滿蓑衣

數聲爆竹入新年萬紫千紅信息傳  
巽二攬先施妙手  
花開頃刻更堪憐

一色寰區水墨天了無塵翳自天然惜乎官禁餅無酒  
勝賞空辜藥玉船

雪霽風猶萬竅號微吟擁鼻袖無羔一寒如此還風味  
和得詩成句法高

苦雨

滴碎空階頗厭聽惱人况又近清明三分春忽二分過  
十日天無一日晴寒沁柳眉愁寂寂溼凝花臉淚盈盈  
蒼穹好憫雲霓望留作甘霖助有成

次羅梅谷詩畫總觀

梅谷梅應占作魁不論時節遣花開傳真舊說華光老  
詩到林逋俱壓倒華光去後誰逼真補之筆底生陽春  
月香水影許多態竹外斜枝奇且怪後來若問誰解無  
聲兼有聲須還梅谷野趣相與共推評

雪消

風姨翦水作花鈿鋪遍乾坤惜不堅滑滑淤泥溶暎日  
潺潺簷漏滴晴天山頭白了青還在梅臉肥添瘦復前  
倒指兼旬猶是臘願期再作兆豐年

次宋省齋木犀二首

西風生桂子香色總關情籬菊宜交友山礬可弟兄慣

承秋露重獨占楚天清對此須吟句呼童索管城

顛氣清如許全鍾在木犀碎金羞色淺片腦愧香低根

析蟾宮種詩吟蠟紙題折來供鼻觀何用上天梯

見竹谿羅權府

琅玕萬个碧雲深長覆晴川數畝陰渭水侯封元有節  
葛陂龍化本無心波光靜處涵清影灘瀨鳴時和好音  
除卻寒流相映外此君那許俗塵侵

見古梅吳府教

萬木風饕凍欲癡孤根逗暎正斯時樹槎牙歷百千歲  
花摘索開三兩枝兄弟仙礬應未稱交朋松竹恐相宜  
玉堂標致和羹味可是香名滿世知



次宋省齋懷竹洲

蒼洲無恙在依舊  
匝谿灣欄護竹三  
逕梅環屋數間  
幽池生草夢危石  
繡苔斑遙想銜  
栝處何曾醉玉山

探梅

傍水尋梅步水湄  
輕寒輕暎日斜時  
不辭二里還三里  
且看南枝又北枝  
蕊勝珠圓香勝腦  
花如玉潔蒂如脂  
絕憐清影橫清淺  
欲爲題詩未敢詩

次省齋桂花

羨君詩句正而葩  
閒對西風賦桂花  
可惜分來蟾窟種  
如今開遍野人家

池上芙蓉

小池擎雨已無荷  
池上芙蓉映碧波  
初試晨妝銅鏡淨  
未醒卯醉玉顏酡  
一秋造化全鍾此  
十月風光尚屬佗  
除卻籬邊叢菊伴  
別無能奈曉霜何

次朋山鄭管轄韻

朋山心與白雲閒  
一點塵囂不可干  
披褐朝眞香篆裊  
登壇召將劔芒寒  
棊枰子落鳴飛電  
石鼎茶煎吼怒湍  
待得功成丹九轉  
願隨雞犬事劉安

次趙都使心田壽域韻

非園非圃亦非垞  
寸地無多好力耕  
豈藉鋤犁開曠蕩  
但除塵垢自和平  
雲收月挂天長淨  
水止風恬浪不生  
壽域預營眞得所  
王家壘室可齊名



借汪路教韻題趙東麓判丞臨清堂

結屋俯清谿蕭然迥出奇書藏千萬卷梅浸兩三枝入  
竹風聲細移花日影遲樂山仍樂水何慮復何思菊有  
陶潛逸蘭無屈子悲娛情琴上操遣興局間碁對客頻  
傾酒臨流賸賦詩要將閒度日只恐道關時觸目多幽  
致留題總色絲細吟增敬羨貂續匪佳辭

瀟湘八景

遠浦歸帆

江山勝處簇人家樓閣重重枕水涯試倚闌干疑望眼  
帆歸遠浦隔蘆花

野寺晚鐘

山寺鐘敲晚照殘僧歸雲暝費躋攀浮屠屹立巔崖頂  
恰在煙嵐紫翠間

平沙落雁

極目青山帶夕陽平山漠漠水茫茫幾聲漁笛蘆花外  
驚起斜飛夜一行

江天暮雪

垂垂四幕凍雲頑萬木號風晚更寒繫纜漁人歸去後  
辭飛柳絮滿江干

瀟湘夜雨

薄莫維舟古岸邊濃雲潑墨暗江天道林嶽麓知何處  
雨打篷窗夜不眠

洞庭秋月

月色湖光浸岳城  
蘆花渺渺白鋪汀  
玻璃萬頃清無滓  
只有君山一點青

山市晴嵐

橫嵐髣髴抹高岡  
村市人家釀秫香  
谿上曉來爭渡急  
裹鹽沽酒趁虛忙

漁村夕照

一簇漁家古渡頭  
生涯只在幾扁舟  
歸來曬網斜陽外  
欸乃數聲煙樹秋

上趙相公二首

天教古歛巧遭逢  
和氣熏蒸蠶麥豐  
重見龔黃宣德化

再生韓柳振文風  
萬間廣廈人人共  
千里明蟾處處同  
端的相門還拜相  
魯公行卽繼周公

徹骨清貧頗自憐  
生涯淡薄只隨緣  
披羅景象畫多趣  
抖擻襟期詩幾篇  
毛穎謾供煙雨末  
石泓聊當稻粱田  
化爐倘賜甄陶意  
便是人生際遇年

次姚吏隱惠詩韻

相逢一笑信前緣  
聞道先吾豈較年  
灑落襟期良夜月  
衝融氣宇小春天  
喜評曲直人間事  
懶問肥磽郭外田  
忙裏依然清興在  
時時不吝惠新篇

龍金庵次壁間韻

續得遠公派結庵  
千仞巔利名俱棄  
捨寒暑任推遷  
供

佛燃香篆餐松噉石泉个中三昧處克廣自無邊

學稼

塵埃面目半生勤去住渾如出岫雲腹餒謾揮求米帖  
囊空徒誦送窮文詩書滿架何堪煮黍黍盈疇政樂聞  
欲辦煙簑并雨笠願隨田叟學耕耘

學圃

蕭然身世儘寬舒賸有工夫學種蔬每汲清泉勤抱甕  
旋鋤荒圃謾攜書綠葵紫芥香尤美春韭秋菘味有餘  
時擷鮮苗烹石鈔朱門肉食不如渠

學漁

年來懶問是和非謾向滄浪理釣磯折取綠荷充箬笠

收將紅芰緝蓑衣秋風蓴菜鱸堪膾春水桃花鰕正肥  
身逐烟波逃世慮沙鷗汀鷺共忘機

學樵

因嫌蹤跡混塵囂腰斧高歌去採樵欲效買臣無貴骨  
何如玉質有仙標丁丁伐木空山外軋軋肩薪小徑遙  
一任雪天霜月夜且將帶葉地爐燒

次江草塘韻

西塘夢徹草塘春得句渾無半點塵卻喜寥寥千古後  
只今分付與詩人

次黃山中進退韻以餞

會聚渾無定雲萍一樣觀今朝酬俚句明日隔重山鴻



便書須寄秋期盟莫寒算來無遠別底用唱陽關

次吳篁嶼贈別

每嗟人世等浮漚會聚如雲散復收詩賦別情無白雪  
酒澆離思有青州見梅須寄一枝信對月還關兩地愁  
此去若逢風雨夜肯思細話對床不

次余靜庵寒夜詩思

地爐煨芋栗兀坐數寒更香篆消重爇銀釭別復明月  
穿窗隙過風拂樹梢鳴喚醒吟邊興敲推睡不成

又

拂拭蒲團坐從渠歲事更年來心益壯老去眼增明月  
牖描梅影風簷撼鐸鳴撩儂詩興動得句自天成

蠟梅

一種孤芳別樣奇化工鎔蠟雪霜時正憐粉蝶歸何處  
卻怪黃峰集滿枝衣效道妝香惹袖面侔佛相臉無脂  
清名也受梅花號底事林逋不贈詩

逗春海棠

蜀地名花迥出奇玉環卯醉未醒時只開春暝二三月  
偶冒冬寒四五枝曉帶清霜濃傅粉晚迎紅日淡勻脂  
惜渠未敢輕攀折子美如何少得詩

除夕 戊寅

簷漏聲中送舊年團欒語笑不成眠忽驚雷吼三更後  
始悟春回半月前桃板欲題詩未穩燈花頻結兆開先

明朝賀客無祇待汲水烹茶當酒傳

跋楊叔明有聲畫

同郡方回萬里

野趣楊叔明舊與倡和閱前作倏十二年矣叔明能畫能詩筆愈益老而鬚髮如漆獨道貌猶未老也豈胃中有所養而然乎其無聲之詩當求米元章張彥遠輩評之其有聲之畫如回谿道中山東谿流窄徑迂眼前景物入詩無田中科斗古文字柳下春鉏新畫圖巨室儲茶供客販小旗誇酒誘人沽行行不記幾多里回首林端日又晡此可謂五十六字谿山村落圖也起句便能模寫山徑谿流逼側之勢科斗春鉏二句生逼江西自是兩幅奇畫儲茶誇酒一聯村

落中賈區飲肆在紙上歷歷可數尾句收拾淡靜卻少留不盡之意全篇熟而不腐新而不怪詩妙至此非胃中有所養不能也予老矣不能悉爲提掇佳處舉其一足以知其餘焉至元乙酉良月之朔謹書於  
浮舟亭





次宋省齋七夕雨三首

次姚舍人二首

次友梅編校獨卧床

癸未元日

銅餅簪梅

遊南山次劉曉窗韻二首

龍金庵次黃山中

龍金庵借張山長韻

題徐氏聚秀樓

殘梅

還劉曉窗吟卷就用卷端韻

詩人十事十絕

蝶二首

自笑二首

癸未中秋

次程國舍

夷齋

呈康總管相公

九日

十日宋省齋有詩謂不及同登南山獨步烏聊山

孫芝田見示吟編一詩卷錦

重陽已過半月菊花方開二首

子陵

和靖

萬竹乃竹洲曾孫也萬竹子常新恩棄儒於乾明

入道伯父友梅以詩餞之因次韻

昨攜拙稿呈康使君郢正以詩促之

次文長老

次乾明觀汪新恩

次程直學對鏡

白水池次俞山長韻

次宋省齋菊花五絕

省齋寄詩用韻走筆以謝二首

黃山中用省齋韻見寄次韻謝二首

康使君惠詩借韻謝

次劉曉窗九日韻十首

月下看白蓮三首

酬黃仲宣見寄

立春旬日雨作不止

回嶺觀瀑

悶書二首

回嶺

寓婺源紫虛觀

回谿道中

到陳村

次韻酬孫良齋三首

次韻立秋

九日登高次宋省齋韻

見山真意

早行

菊梅交承

夜坐二首

再用韻二首

生朝二首

冬晴

觀梅

梅花二十絕

十二月二十九夜大雪三首

友梅吳編校壽宮之側築庵曰全歸有詩十詠敬

次之

上巳同省齋直軒郊遊直軒有詩次韻是日又值

寒食節

春夜聽雨

見王書史係按察司所委平反勸課六首

寄陸同府

呈趙提領



野起齋書  
迂王書史六邑勸課回四絕三酬韻

錢王書史

初夏旅中五首

竹夫人

錢康侯二首

新安江上次程南仲韻

次韻凌義山二首

促織用前韻

水西行散次韻程南仲

次韻黃仲宣九日

九日同王月谿訪紫陽有詩次韻

用前韻酬鄭山長

用前韻酬項性初

次韻鄭山長九日

江天曉望次南仲韻

飲歸次南仲韻

次汪菊坡秋深韻

寄錢東麓趙贊府之官湖南

泊浙江東岸次斗山韻

謁和靖先生墓借斗山韻

黃盆渡次友人韻

芳谿閒步

呈許使君二首

張道士山房次程南仲韻

謝許侯特顧

冬夜次南仲韻

壽許侯

次南仲韻

謁秋崖先生方吏部墓借斗山韻

次韻塞下曲

觀中桃花次友人韻

拙稿呈許侯

贄林路教

許侯贈詩借韻謝二首

初度

借吳直軒韻別黃仲宣

次吳友梅假山韻

花朝

上疏齋盧按察

自述

詩謁按察疏齋賜賤號二大字賦詩以謝

病起三首

清明

遊水西次吳秋礪韻

餞盧廉司  
借虛翁擁金門城望五詩韻以寫幽居之興  
避暑次葉教授韻

感懷二首

次金東園農家雜詠八首

次金東園漁家雜詠八首

書懷

荷花

白蓮

餞趙可齋朝京

寄東麓趙贊府二首

壽許侯

連日雪次黃仲宣韻二首

始生書懷三首

次程南仲韻五首



野趣有聲畫卷下

新安楊公遠叔明著 後裔表正儀邦重輯

次黃山中首尾吟

雙井源流綽有聲襟期一片玉壺清吟成物外風騷句  
付與人間月旦評隨柳問花知雅興論心握手見交情  
英豪標致真難敵雙井源流綽有聲

初度寓郡

得失榮枯付分休康強之外復何求靈臺洞徹天無夜  
銀海精明月正秋謾賦律章酬誕節旋沽官醞破羈愁  
生來結得梅花伴長占春風第一籌

次余靜庵晚望欲雪

凝眸天欲暮烏鵲認巢歸萬竅號風急千林脫葉稀雲  
頑垂地暝屋冷帶煙霏默想滕郎意商量剪水飛

再韻

牧豎橫清笛騎牛引犢歸陰凝山髣髴暝合樹依稀風  
逼衣裘冷天將雨雪霏倚闌遙睇處接翅有鴉飛

自述

年踰半百頗酸心眼底朋儔試選論松竹梅花三益友  
詩書畫卷一閒人北窗高臥那非樂南阮甘貧只任真  
卻喜生無榮辱事底須姓字動朝紳

次宋省齋問月

開尊酌酒問嬋娟來照人間是幾年從古到今今復古

纔圓又缺缺還圓隔千里共何同異描萬象真無醜妍  
最是婆娑仙桂樹新枝不長出青天

借張山長韻呈方虛谷三首

幡然何事賦歸來領畧黃山酌玉杯敲月幾編雖滿世  
澤民一念未宜灰笑呼臞鶴梅邊去旋買寒花竹外栽  
襟度汪汪千萬頃眼青應爲野人開

歸來默坐事心齋南北曾穿幾兩鞵踏遍關河才思古  
名知草木宦情佳桐江勝景歸吟卷練水寒雲入壯懷  
試數時賢誰敢並蘇黃端的是同儕

樓臺寂寂白雲堆三徑縈迂銷翠苔怪得菊松多喜色  
祇緣琴鶴已歸來人瞻北斗光尤耀門對南山掩復開

野客再持漫刺謁不應袖手又空回

次韻別黃山中

相逢祇在萬山阿每愧才疏藉琢磨昨日忽來明日去  
會時常少別時多茶聊當酒囪囪話詩爲言懷細細哦  
折得梅花須寄我不然攜杖早相過

九日

造化推移秋意深安排景物逐時新又逢九日寒花節  
不覺三年逆旅身烏帽戀頭渾忤俗白衣送酒竟無人  
翻思杜牧牛山句誰解清吟繼後塵

次宋督齋九月十日

恰說重陽又罷休奈何烏兔去悠悠可憐節後人心別

未信花前蝶意愁病裏不禁三盞酒客中虛負一年秋  
來年昨日登高興強健還能痛飲不

次省齋韻覓友梅索笑集不蒙見惠再借韻

巨編藏古錦風雅續遺音雷電欲下取辟易不敢侵真  
趣誰領會一如陶潛琴所言正且大詎比鄭聲淫疑有  
造化爐煉鐵成黃金个是絕世寶何必問西琛有時吟  
竹外竹影弄清陰有時歌梅邊梅香散水沈所有形之  
句毋乃得之心俗子敢再請幸爾勿沈吟

次宋省齋七夕雨三首

自笑生來作麼爲百無一解太癡愚今宵欲覓天孫巧  
未審天孫乞我無



織女河邊渡鵲橋風吹仙袂舉飄飄洗車一夜滂沱雨  
圖得人間起旱苗  
人言此夕會雙星  
駢女癡兒競乞靈  
學織學耕非我事  
何如牛角自橫經

次姚舍人二首

披起綿裘換葛裘不禁時序去悠悠吳江楓老蕭蕭下  
紫塞鴻歸點點秋幾幅蠻牋詩狀景一聲羌笛客凭樓  
羈懷正此無聊奈細雨簷花分外愁  
斜岸烏紗落魄裘得寬閒處且悠悠任渠名利濃於酒  
顧我情懷淡似秋黃菊蒼松陶令宅清風明月庾公樓  
翻思二老今何在景物依然惱客愁

次友梅編校獨卧床

梅花紙帳伴書窗  
氈褥平鋪小小床  
跌膝橫琴情自適  
曲肱當枕樂偏長  
詩魂直透冰霜國  
衾錦那沾粉膩香  
丈五日高眼正熟  
不知前古又三皇

癸未元日

除夕立春用臞翁韻

桃板休題只任真也無艱苦與悲辛  
屠蘇後飲身雖老  
毛穎頻揮道不貧  
昨夜燈花今歲兆  
今朝元日昨宵春  
邇來時俗全非古  
烏帽長衫能幾人

銅餅簪梅

梅花點點自清真  
雪虐風饕苦且辛  
白玉堂開雖是貴  
古銅餅浸亦非貧  
愛渠夜寫燈前影  
類我時揮筆底春

雅趣有誰能領會華光已後更無人

遊南山次劉曉窗韻二首

神仙窟宅白雲扃山徑迂迴峻復平煙冷恐遺丹竈在  
草深不向斗壇生市塵塵隔二三里巖谷禽啼一兩聲  
莫訝此來仙不見遙岑寸碧眼增明  
李白曾來問姓名宣平疑是古初平負薪出處天將曙  
沽酒歸時月又生雞啄遺丹非有意瓢懸老樹寂無聲  
寒泉滿沼依然在靜夜長涵星斗明

龍金庵次黃山中

清風明月逐時新天付幽人直萬金和得詩成無个事  
來時可惜不攜琴

龍金庵借張山長韻

道人結屋萬山阿趺坐焚香意味多塵事不干心已寂  
年華易度髮難皤薇烹石鈔供常饌茶煮山泉當太和  
我亦非貪名利者擬來入杜許儂麼

題徐氏聚秀樓

輪奐巍巍百尺樓闌干徙倚豁雙眸插天萬仞黃山聳  
繞郭千尋練水流風月不消錢可買主賓須要味相投  
四時景物俱收斂引得詩人競唱酬

殘梅

暗香消歇粉妝殘點點虛庭碧蘚間卻怪貧家新富貴  
地茵純用鹿胎斑

還劉曉窗吟卷就用卷端韻

細觀吟卷壓陽春字字新奇絕點塵既已學詩兼學禮  
底須憂道更憂貧鳥啼花落蕭閒日月白風清自在身  
內景通明誰會得窗寒曙色正精神

詩人十事

詩家

松下雲根迂菊徑梅邊竹外着茅茨天教管領閒風月  
得句無非妙色絲

詩壇

突兀騷壇依漢立英豪元帥凜霜威四時景物知多少  
一一投降聽指揮

詩將

草木森羅歸隊伍谿山遶繞作城池運籌決勝應無敵  
郊島從旁仆鼓旗

詩匠

吳剛運斧惟修月輪扁揮斤妙斲輪好句何消勞斧鑿  
無痕無迹自天真

詩筆

銀管空虛藏兔穎冰懷磊砢吐天葩有時揮掃渾無礙  
盡道毫鋒自有花

詩筭

短篇吟了長篇續舊韻酬成新韻催一節此君緘錦繡



奚奴攜去又攜來

詩牌

閒亭虛閣多標揭舊句新篇各關工爲拂塵埃題數語  
敢期他日碧紗籠

詩壁

一方素壁龍蛇走幾首新詩冰雪清語好驚人看不足  
教儂技癢動吟情

詩癖

生來性癖耽佳句吟得詩成似有神險語豈惟驚鬼膽  
眞須字字要驚人

詩狂

掬取長江供硯水借將碧漢作蠻牋興來拈起如椽筆  
大詠高吟欲上天

蝶

礫索銀鬚細翩翩粉翅柔百花巡已遍入夢戲莊周  
欸欸穿芳徑雙雙度短牆不知身是幻抵死戀花香

自笑二首

自笑人生立世難甘辛滋味飽曾參頭顱潦倒梅橫雪  
心地通明月印潭詩欠驚人徒着意事多忤俗更休談  
何如領畧三杯酒不必如泥只半酣  
東郊結屋恰三間景物供吟要細參紅日射芒穿密樹  
青山倒影浴寒潭樵雖分席暫時話客爲同心盡日談

野趣有聲畫  
最是北窗高臥處如雷鼻塞睡偏酣

東坡癸未中秋

涼入郊墟暑漸微奈何節序暗推移景逢三五秋分夜  
光異尋常月滿時按舞霓裳仙綽約長春靈藥免迷離  
廣寒宮桂花空發近世無人折一枝

次程國舍

欲坐春風欠宿緣識荆琳宇憶當年初逢脫畧知心地  
再見從容值暑天萬卷詩書君有種一犁烟雨我無田  
曉來喜報簷前鵲忽得珠璣璨兩篇

夷齊

因請休兵諫不行首陽遁迹似沽名既言不食周家粟

薇蕨誰家土上生

西坡呈康總管相公

古汴文章伯來爲我郡侯一心天不夜千里月長秋政  
壓龔黃輩詩儕李杜儔雷門持布鼓肯矚電光不

九日癸未

滿城風雨霍然開不負登臨亦快哉時俗半無烏帽墮  
世情那有白衣來且沽薄酒酬佳節欲賦新詩愧短才  
折得黃花簪兩鬢任渠兩鬢自培耄

十日宋省齋有詩謂不及同登南山獨步烏聊山

我輩登高嶮更遙問君獨步上烏聊休嗟昨日渾無興  
須信明年尚有條節後黃花香未減年高黑鬢雪偏饒

野趣有塵書  
拂牋續罷新詩句回首重陽越一朝

孫芝田見示吟編一詩捲錦

細誦芝田詩一編了無斧鑿自天然豪雄虹抹金陽外  
雅淡梅橫缺月邊點石化金非是幻脫胎換骨欲成仙  
个般才調真難敵行看雞林聲價傳

重陽已過半月菊花方開二首

過了重陽半月餘菊花方見放東籬香清不減登山日  
色好偏過泛酒時餐落英真成浪語存荒徑豈是虛辭  
生來寧耐風霜挫晚節騰芳滿世知

西風轉北又旬餘才見黃花粲短籬底事不開重九日  
何心卻趁小春時芳傳栗里陶潛徑香入離騷屈子辭

不肯趨時真隱逸豈教塵世俗人知

子陵

三聘玄纁莫可辭此行為滿故人思一宵共榻論心事  
卻被司天太史知

和靖

湖上吟翁道味長孤墳今已草成荒姓名猶寄梅花上  
一度開時一度香

萬竹乃竹洲曾孫也萬竹子常新恩棄儒於乾明

入道伯父友梅以詩餞之因次韻乾明有竹所

洲上檀欒竹萬竿此君得所一般般根雖易地終無異  
操直參天也不難冠借皮為疑斗燦杖憑枝作覺龍寒



步虛詞罷幽閒處好勸黃庭悟寸丹

昨攜拙稿呈康使君郢正以詩促之

昨攜拙稿乞揮斤安敢顛顛覬賞音明月清風聊寓意  
孤峯絕岸頗留心鴛逢伯樂方增重劔遇張華免陸沉  
肯把靈丹攻鄙俗珍藏何啻萬黃金

次文長老

久向人間脫俗緣了無罣礙度年年一塵不惹菩提樹  
四大俱空兜率天閒蕪篆香供鼻觀靜翻貝葉養心田  
推敲對景清吟處應是渾無蔬筍篇

次乾明觀汪新恩

黟邑名桃源乾明有竹所及山房道院

家世桃源越幾年薦攜書卷覓安全來尋竹所山房處

為結梅花紙帳緣白鶴詞歌明月下黃庭經勸晚風前  
他時九轉功成後穩駕真人蓮葉船

次程直學對鏡

青銅頻啓看瘦劣沈東陽鬢染秋霜色身期晚節香閒  
情耽水石幽夢繞池塘何以伊川脈淵源道味長

白水池次俞山長韻

石眼泉流乳盈池永不乾空明涵玉潤湛徹帶雲寒月  
浸知無異鷗來認卻難何郎今在否好向此凭欄

次宋省齋菊花五絕

東籬璨處正秋高氣骨清寒等孟郊試問羣芳誰是侶  
梅花差可作平交

凡卉徒妖迥不同輸渠籬下自叢叢趨時未肯隱君子  
畢竟依然帶晉風  
細嚼芳英清肺腑離騷一語傳千古靈均去後誰知心  
幸有柴桑人作主  
千花萬卉已俱亡獨占秋光點點黃露冷霜濃難着腳  
甘心寧耐此荒涼  
萬木歸根葉漸空淡煙斜照有無中客懷對此無情思  
賴有知心老菊叢

省齋寄詩用韻走筆以謝二首

每思分袂歲寒天又見荷錢貼水圓月落梁間清夜後  
雲生江上晚風前題詩蠶紙無由達結夢花屏又復還

會晤末由空悵恨何時握手共歡然  
竟日昏昏醉夢中俄驚綠暗石榴紅兩三個月書全杳  
四五篇詩信忽通身世愧無鴻鵠志交情歎作馬牛風  
如今暫效相如計較着無聲迥不同

黃山中用省齋韻見寄次韻謝二首

話別函函二月天回眸兩見月虧圓數聲乾鵲纔聞後  
一幅鸞牋忽墮前風雨對床何日遂鴈魚傳信幾時還  
每逢騷客論心處說着山中意悄然

幽窗兀兀坐愁中忽拜山中小篆紅心事盡從詩裏見  
交情全在帖間通從容語笑知何日老草賡酬寄便風  
多謝綈袍尤戀戀个般襟度有誰同

康使君惠詩借韻謝  
幾幅生綃掃麝煤枯梢黏蘚石封苔布成野水雲山去  
博得黃金玉句來眉白自慚非我有眼青多藉為儂開  
一經題品多增價古錦光芒亦壯哉

次劉曉窗九日韻十首

門前何用白衣來旋買官醪亦可拈笑問黃花前日事  
未生陶令為誰開  
自憐萍梗老羈孤暫寓僧寮不用租九日有錢還可醉  
不然萸菊酒俱無  
秋菊何嘗委片英都緣氣韻稟清寧欲將此意靈均道  
只恐靈均喚不醒

西風搖落鴈南飛黃葉深深擁竹扉佳節只消拚酩酊  
牛山何事淚沾衣

籬下寒花色自妍折來泛酒更新鮮化工底事寧多巧  
鑄出黃金滿地錢

佩萸囊菊陟崔嵬世俗相傳有自來顧我此身強健在  
不消囊佩亦無災

菊花偏作道家妝開遍重巖與斷岡醉後折來簪短鬢  
老夫翻學少年狂

黃花堆積若錢流妝點詩家富貴秋元亮不將渠貫酒  
空留遺恨尚悠悠

人皆九日醉流霞君汲山泉自煮茶可是詩成無點俗



野趣存聲畫  
祇應吟筆燦生花

月下看白蓮

藕花呈素質兔魄散清光我試平章看嫦娥伴六郎  
別岸花孤裊冰姿帶月痕波沉花月影疑是謫仙魂

又

十里荷花帶月看花和月色一般般祇應舞徹霓裳曲  
宮女三千下廣寒

酬黃仲宣見寄

倦走南州與北州竹籬茅舍足清幽但教有酒名從事  
何必爲官見督郵謝友寄詩通間闊拂牋泚筆細賡酬  
雖然可寫胸中意難寫胸中半點愁

立春旬日雨作不止

檢起床頭麻又新吁嗟老境漸侵尋十朝春恰九朝雨  
一日晴還半日陰滴碎空堦聲已厭寒欺薄酒力難禁  
絕憐窗外蒼苔地積得殘梅寸許深

回嶺觀瀑

瘦筇支我上山頭拂石盤桓看瀑流莫訝喧豗何太急  
要開江海濟行舟

悶書二首

轉眼纔餘五十春東奔西走廢光陰一泓硯裏謀生意  
幾句詩中寫客心貫斗衝牛雷煥劍高山流水伯牙琴  
莫將未遇添惆悵自有名公爲賞音

客裏因循斷送春况逢天氣半晴陰生來百事少如意  
老去千般都上心長缺空彈馬氏劍良材還斲蔡翁琴  
愁懷正此無分付多謝黃鸝送好音

回嶺

梯級層層步頗艱嶺頭清吹逼人寒四邊絕壁詩懷壯  
一片蒼茫眼界寬何處山坳吞落照長年石罅噴鳴湍  
支筇對景盤桓久領畧留將作畫看

寓婺源紫虛觀

書卷攜來寓紫虛憑高凝眺更無餘五山結邑龍盤踞  
一水依城帶卷舒旦暮鼓鐘喧梵宇高低樓閣壯神居  
年時除卻酬香者闌闌行人往復疏

回谿道中

山東谿流窄徑迂眼前景物入詩無田中科斗古文字  
柳下春鉏新畫圖巨室儲茶供客販小旗誇酒誘人沽  
行行不記幾多里回首林端日又晡

到陳村

半日修途適到陳因思尼父倍傷神行囊抖擻幸餘米  
旅館蕭條苦乏薪喚僕買栝蘇脚倦拂塵題句效眉顰  
孤村落日黃昏後一覺明朝又問津

次韻酬孫良齋三首

抱膝孤吟欠範模願隨雞犬藉丹爐儻能果得仙凡骨  
差勝無聲水墨圖

野趣有聲書  
風竹蕭蕭密掩門苔封支徑曲通村野人自有林泉趣  
那得榮華入夢魂  
想倚危樓十二闌詩成可是過方千好風吹墮寒窗底  
勝得仙翁九轉丹

次韻立秋

白帝交成下令時蒲葵絺葛豎降旗書親燈火兒曹喜  
鴈過沙場士卒悲夜月一簾雖舊識西風半榻是新知  
從今景物皆清致多辨吟牋賸賦詩

九日登高次宋省齋韻

久出嘗思賦式微半生心事少人知登高且泛寒花酒  
扶老須憑勁竹枝樵徑緩躋山詰曲羈懷難琢句新奇

絕憐萬里澄秋霽辜負潘郎風雨詩

見山真意

栗里幽深自結廬東籬採菊足清娛偶然觸目南山好  
相對沉吟一語無

早行

黃粱已熟夢初醒束擔匆匆促去程手挈杖端和袖裏  
氣呵髭上覺冰生山銜斗柄二三點犬吠籬根四五聲  
何處梅花開較早清香暗度動詩情

菊梅交承

寒花璨璨繞東籬露洗霜欺未肯萎褪卻清香誰領畧  
北風吹上小梅枝



夜坐二首

門外霜風獵獵聲  
擁爐坐對一燈明  
閒思浮世古今事  
倦聽荒城長短更  
滿榻詩書終有味  
半生名利竟無成  
從人笑我衣冠別  
雖不趨時卻自清  
相伴青燈坐矮窗  
老來計拙負年光  
畫灰有句羞才短  
就枕無眠畏夜長  
世路難躋緣峻嶮  
人情易見爲炎涼  
知心卻藉風和月  
時度梅花一綫香

再韻二首

聽徹茶烹蚓竅聲  
挑燈開卷眼能明  
原缺七字過了殘冬歲  
又更世事閒關人  
易老客懷蕭索寐  
難成推窗且對梅  
花月便覺塵襟一  
餉清

楫拙爐紅密掩窗  
傷嗟勞役度時光  
朝三雖怒暮還四  
鳧短難添鶴自長  
老憶少年成感慨  
吟殘永夜越淒涼  
教兒檢點銅匱看  
報道猶存一縷香

生朝二首

乙酉

生朝自頌豈非呆  
吟得詩成亦快哉  
六十平頭慳兩歲  
百千往事付三杯  
在家清苦僧留髮  
立世支離櫟不材  
卻是與梅緣分厚  
年年此日向儂開  
七年客裏度初生  
詩骨依然只鶴形  
梅亦清臞鬚卻白  
吾將潦倒鬢還青  
愧無德可書銀管  
幸有酒堪儲玉斝  
一點靈臺塵不滓  
何消修鍊勘黃庭

冬晴

野趣有聲畫  
歲序從教自改更  
老天有意活蒼生  
一冬晴暎雨全少  
三日陰寒雪不成  
漫擁地爐然榻拙  
每憂時事驗槐槍  
庭前問訊枯梅樹  
怕有南枝綻玉英

觀梅

老來寵辱兩無聞  
纔見梅花喜十分  
冰雪相看雖屬我  
乾坤獨步卻輸君  
受知和靖黃昏月  
入夢昌齡落窠雲  
從此暗香來不斷  
何消更把水沉焚

探梅

竹杖芒屨作興來  
來時準擬有花開  
誰知老樹荒煙裏  
地冷孤根暎未回

訪梅

荒寒茅屋是誰家  
獨木橋橫小徑斜  
卻是無人行到處  
春光先已到梅花

寄梅

方愧無由洗俗塵  
喜逢竹外一枝春  
看來未敢輕攀折  
待侑詩篇贈故人

賦梅

雪月雲煙件件宜  
騷人墨客費尋思  
怕渠因得逋仙句  
不要人言半字詩

觀梅

東閣觀梅放少陵  
巡簷索笑面生春  
試將心事從渠道  
恰又無言領畧人

折梅

折時須棟帶苔枝兩藥三花儘自奇  
簪向銀鉶全俗了古銅鉶浸恰相宜

寫梅

爲渠模寫未爲難只要稀疏不要繁  
雪月風煙俱屬我一時收拾付毫端

紅梅

特立孤高耐歲寒渥丹顏貌帶儒酸  
荆公詩句休拈出北地人今已熟看

千葉梅

千葉梅開一樣清向人含笑似多情  
化工只麼寧多巧

碎翦瓊瑤細簇成

雪梅

凍合頑雲四幕垂須臾六出攪空飛  
梅花自稟清臞相底事添渠十倍肥

月梅

梢如鹿角月如眉月到梢頭分外宜  
梅得月來無限好月和梅看越清奇

煙梅

玉妃謫墮作梅花不與羣芳定等差  
莫是清高嫌俗眼故張翠幕淡籠遮

霜梅



梅到更闌自主張依然不住散清香橫陳青女無端甚  
也要教渠學粉妝

水梅

絕憐花帶雪玲瓏髮髻惟存蠟蒂紅一夜清寒風結凍  
分明身在水晶宮

照水梅

梢橫鶴膝小池東幾點疏花冷淡中自是曉妝勻未了  
故擡粉面對青銅

梅影

柴門相對月華新月上梅梢絕點塵卻是嫦娥工性巧  
不須泓穎畫全身

早梅

籬下叢叢菊老時清香飛上向南枝化工未必無私意  
試問春風知不知

遲梅

盡道孤根逗暝回緣何春至未胚胎東皇想是憐孤獨  
留與羣芳作伴開

殘梅

可惜梢頭爛熳芳無心要趁壽陽妝寧教片片隨風去  
點在苔痕骨也香

梅實

累累青子綴枝了一味含酸軟齒牙不獨曹軍資止渴

也曾調鼎佐商家

十二月二十九夜大雪

六出霏霏餞歲華終宵撩亂撲窗紗未言造化工夫巧  
且看乾坤景象奢原缺十字花明朝正旦常年別瓊戶瑤  
階一樣誇

歲已云除四日春正嗟無雪慰農心重衾夜覺十分冷  
平地朝看一尺深剡曲舟雖無月載灞橋景更有誰吟  
今宵拚飲椒花酒醉後烹茶自賞音

天教滕六下良宵恰值人間正頌椒萬屋高低皆玉潔  
四山遠邇絕塵囂蒼髯鐵面亦華髮直節虛心也折腰  
可惜梅花無覓處祇應低亞小谿橋

友梅吳編校壽宮之側築庵曰全歸有詩十詠敬  
次之

達人謀事豈躊躇壽域天開不費鉏結得庵成無點俗  
栽梅蒔竹當幽居

蓋世功名水一枯君曾勘破个中來平生不問凡紅紫  
莫逆交情只是梅

壽宅雖然已預營手栽松柏待亭亭童顏鶴髮身強健  
長對商山萬古青

休論馬鬣卧牛形後擁前堆要有情自是主人心地好  
老天分付不應輕

屋瞰梅間倚竹林一爐香篆一張琴有時月上黃昏後

三弄梅寒夜正深  
梅花本是一難兄  
山谷當時錯用情  
畢竟渠家知已在  
仙磬羸得浪馳聲  
遊山瓢具竹邊安  
石鼎松邊淪鳳團  
更向梅邊觀鶴舞  
好將模作畫圖看  
菴外山環翠作堆  
菴前山秀長臺萊  
主人日日攜琴去  
直到松山月上回  
顏貌元非借酒紅  
那堪和氣更春風  
梅邊索笑閒吟處  
句法清圓字字工  
竹滿長洲蔬滿畦  
四時豐富足豚雞  
况君賸有羊腔祿  
笑我猶餘幾舊齋

上巳同省齋直軒郊遊直軒有詩次韻是日又值

寒食節

韶光又是二分過  
日月如梭可奈何  
對景詩成新意少  
持杯量減舊時多  
禁煙修禊偶同日  
落絮飛花逐逝波  
祇恐陰晴天不定  
明朝有興亦蹉跎

春夜聽雨

小樓炙燭未成眠  
好雨知時聽不厭  
風急斜敲窗上紙  
簷高微灑楯邊簾  
花應憔悴啼丹臉  
麥定惺忪磔翠髯  
添得明朝詩興好  
池塘草長水漸漸

見王書史係按察司所委平反勸課

翩翩旌旆下吾邦  
六邑喧傳姓字香  
不着一塵秋夜月



謹施三尺曉天霜平反獄訟縲囚喜勸課農桑情叟忙  
昨拜荊州天與幸敢趨行幕獻詩章

再用韻奉酬

褰帷暫駐小山邦正值芳春百卉香洞徹曾襟欺雪月  
英豪名譽冷風霜訟分曲直奸人畏詩費賡酬竟日忙  
寒士無聲增重處珠璣璀璨賜平章

三用韻奉酬

山水新安斗大邦也煩臨按馬蹄香扶持秀士蛟逢雨  
糾察貪夫草遇霜對景詩成吟思好劭農心切去裝忙  
自慚野叟何爲者白雪陽春拜兩章

四用韻奉酬

文獻中原仰大邦姓名由此帶天香襟懷月照江湖水  
談笑風生齒頰霜天理每從閒處見詩篇常向靜中忙  
明朝小隊郊坰去儻有新吟寄一章

五用韻奉酬見寄二首

揚鞭迤邐歷鄉邦留得清名處處香六邑春風濃似酒  
一輪秋月冷於霜蘇回民瘼官情好聽徹鶉聲歸興忙  
滿路谿山無限好祇應裁剪入詞章

潦倒無成困一邦江湖姓字可曾香興來且泛三杯酒  
老去從添兩鬢霜畫思詩情雖我有名韉利鎖任渠忙  
寒窗兀坐渾無事閒閱離騷誦九章右自述

寄陸同府

野趣有聲書  
憶昔輕舟衣錦還青紅旂幟滿江邊正逢時節梅將老  
又見池塘柳欲綿千古棠陰思召伯一封芝詔下堯天  
行看大展經綸手霖雨蒼生四海傳

呈趙提領

從容依綠泛蓮紅吾郡生民有幸逢政事分明天外月  
風標翹楚雪中松攜琴領鶴官情好橫笛倚樓詩興濃  
騰茂蜚聲聞帝里行看寵祿錫千鍾

迂王書史六邑勸課回四絕

雕鞍駿馬驟如飛正是春風柳絮時夾道居民爭看處  
青紅小隊曳旌旗  
一犁兩足快耕農可卜今年歲事豐喜見四郊生意好

秧鉞刺水麥梳風

杜鵑聲裏暮春天桑柘村村綠似煙分繭稱絲將有日

吳蠶今已起三眠

愬愬出郭又經旬和氣熏蒸處處春料得錦囊詩拍塞  
寄來曾拜一篇新

再韻奉酬

穿簾燕子作雙飛恰是春光欲老時公退祇應無个事  
山泉石鼎煮鎗旗

夫耕婦餉念斯農蠶麥將登慶小豐不是今年天意好  
皆由教雨與仁風

楊花一任雪漫天清坐鈎簾對篆煙應是日長詩酒罷

野趣齋書畫  
用來閒向北窗眠  
自愧浮生又六旬  
苦無情况度殘春  
漫吟俚句塵清聽  
多謝賡酬字字新

三用韻奉酬

龍蛇滿紙勢如飛  
淨几明窗得句時  
一陣好風吹過我  
吟餘束手豎降旗

不是騷人不是農  
筆耕墨耒願年豐  
有時啜罷盧仝茗  
習習能生兩腋風

乍雨微寒養麥天  
村村斜日起炊煙  
老夫但愧餅無酒  
芳草如茵好醉眠

今日韶光滿九旬  
浮生又了一年春  
莫言虛度渾無補

學得先生句法新

錢王書史

攬轡來時柳未煙  
榴花又見火初然  
一春人坐冰霜國  
四野農歌蠶麥天  
教雨仁風彌歛境  
屏山練水入吟篇  
明朝馬首東歸去  
佇看清名到日邊

初夏旅中五首

烏兔雙飛去若梭  
又逢天氣正清和  
綠空桑柘蠶成繭  
青徧田疇犢卧莎  
好景常供詩料足  
浮生每歎客愁多  
家山不是無風月  
斗粟區區可奈何

早起窗前擁敝裘  
鬢毛蕭散冷颼颼  
葵榴花發已云夏  
竹樹風生卻似秋  
驟雨乍晴雙港漲  
宿雲初斂四山幽



野趣  
客懷頓覺添瀟灑且放吟情出一頭  
往來蕭寺幾經年時向僧窗聽說禪一事不成空老去  
三椽聊寓幸安眠詩篇水雪無蔬氣粥飯齏鹽有道緣  
欲卜歸期猶未定况聞綠樹有啼鶉  
吟髭細撚祇堪傷幾度徘徊立夕陽詩不療饑徒着意  
酒能作病莫持觴此心軒豁出雲月浮世間關逆水航  
多謝老天憐我在長教窮健又何妨  
每憶吾廬隱者居天然景物足清娛樹林陰翳鴛求友  
簾幕深沉燕引雛可釣可耕盤谷序堪詩堪畫輞川圖  
何當歸去北窗卧能勝羲皇以上無

竹夫人

差領青奴號由來節操剛有生惟具眼不妬爲無腸戀  
戀言何寂娟娟體自涼棄捐知素分那敢望專房

餞康侯二首

報政三年滿還容借寇麼絲綸來帝渥襦袴藹民歌遺  
愛棠陰茂留傳錦句多蒼生今有待霖雨早滂沱  
古歛何多幸民叨撫育恩清聲冠古今浩氣滿乾坤夜  
月一船載秋風三徑存莫能攀去轍戀戀勸金樽

新安江上次程南仲韻

石欄斜護崎嶇徑村酒頻澆磊砢胃好是黃山供望眼  
白雲分出兩三峯

次韻凌義山二首

野趣齋書  
自憐老境漸侵尋檢點頭顱雪旋深無酒澆愁還獨嘯  
有時得句但長吟一天月色涵秋意四壁蟲聲惱客心  
好是夜涼清似水蕭蕭風度古松林  
眼前詩料底消尋移入蠻牋別淺深無斧鑿痕方造妙  
超塵俗表始堪吟物情體狀須留意句眼推敲好用心  
試看詠梅千萬首影香獨數老逋林

促織用前韻

兒童探穴戲搜尋隱迹苔堦深復深見敵有時能勇鬪  
無情終夜只清吟喚回枕上羈人夢惱碎閨中織婦心  
莫向當今機局去拋梭絡緯已林林

水西行散次韻程南仲

散步招提去禪房幽更深開經醒俗眼淪茗洗塵心石  
罇泉長溜林巔蟬獨吟詩成書雪壁恐或有知音

次韻黃仲宣九日

又逢重九日七載寓僧廬送酒人何在迎風帽自如萸  
肥含味遠菊瘦着花疏祗麼酬佳節詩成繭紙書

九日同王月谿訪紫陽有詩次韻

西風淒緊未成霜柱杖橫拖訪紫陽繞郭谿山千古勝  
泛枯萸菊一時香鬢邊有雪身還健筆底無塵句不狂  
佳節直須拚酌酹渾如仙在白雲鄉

用前韻酬鄭山長

短鬢蕭蕭已半霜從教憔悴勝東陽磨穿老硯畫成趣

捩斷吟髭句不香月下行歌閒放逸酒邊起舞發清狂  
欲過鄭老論心事可惜相逢各異鄉

用前韻酬項性初

連年客裏度星霜過了重陽又一陽籬下正憐叢菊老  
風前將領早梅香寧同子美吟詩瘦豈效寬饒肆酒狂  
欲卜歸期猶未定空勞魂夢繞江鄉

次韻鄭山長九日

詩逢佳節應酬忙三斗何妨效汝陽帽任敝斜雙鬢白  
菊無今古數枝黃龍山景物自消長粟里琴書合在亡  
往事莫談添感慨醒時也作次公狂

江天曉望次南仲韻

江天向曉縕輕寒霧捲雲收眼界寬鴈起沙頭兵出戍  
鷺翹柳上雪成團數聲柔櫓船初發一片寒蘆葉半乾  
無奈滿前詩料富耽吟幾致廢朝餐

飲歸次南仲韻

霜後楓林渾似纈籬邊菊老香初歇昏昏醉夢了時光  
一任頭顱堆白雪

次汪菊坡秋深韻

秋深天氣肅風緊襲人衣攪夢蠶聲碎驚心鴈陣飛事  
嗟今日別身愧昔年非欲辨青蓑笠滄浪理釣磯

寄餞東麓趙贊府之官湖南

憶昔鳴騶闖草廬歡然把酒話襟期自從六月袂分後



又是重陽節過時江左英賢姑佐邑湖南松竹助哦詩  
餞違不及空惆悵儻或逢梅寄一枝

泊浙江東岸次斗山韻

渺渺江空闊停帆首屢回漁家編葦荻蜃氣幻樓臺逸  
少亭應在鴟夷擢不來一鉤新月上時把篋蓬推

謁和靖先生墓借斗山韻

孤山仙塚草菲菲姓字留將後世知遺稿文無封禪事  
名家梅有影香詩祇慚老子攜琴晚不見蒼頭放鶴時  
一瓣心香聊敬敬寒泉自掬酌麓巵

黃盆渡次友人韻

到得黃盆九月天呼童弛擔駐征羈迢迢江水天連楚

漠漠淮鄉稻滿田酒旆風翻疏柳外漁家網曬夕陽邊  
買將郭索傾栝處對景詩成恰一篇

芳谿閒步

竹杖芒屨度斷岡崎嶇小徑繞寒塘野梅照水初含白  
山菊支霜未委黃對景每番成感慨把栝幾度放疏狂  
此生但只安吾分無辱無榮壽且康

呈許使君二首 道號蒙泉

河嶽中原地英賢間世生氣雄虹萬丈心淨月三更韓  
柳文同妙龔黃政共清新安人有分月旦願推評  
蒙泉清徹底更不着纖塵滕閣曾逢月花屏又遇春采  
芹尊秀士拔薤抑強民祇恐芝沼召催歸侍紫宸

張道士山房次程南仲韻

丹房瀟灑絕纖埃石徑縈迂闢草萊窗外果從猿摘去  
山中芝藉鶴銜回一甌白雪湯輕注三尺青蛇匣不開  
如許清虛塵世隔明朝再約抱琴來

謝許侯特顧

傳呼門外駭還驚忙着荷衣倒屣迎阜蓋朱幡人從簡  
雕鞍繡勒馬蹄輕羣中駑頓增高價爨下桐方有烈聲  
多謝使君青顧後免教汨沒度浮生

冬夜次南仲韻

風號緊緊閉柴門楮拙爐邊了不聞窗外月明誰是主  
輸渠梅竹自平分

壽許侯十月二十九日

冬孟猶餘一葉萸中原賢哲此時生星輝南極躔吳分  
月出東山照歛城耐與寒花香晚節清如冷藥味和羹  
童顏鶴髮神仙骨便是崆峒老廣成

次南仲韻

回首明年六十春依然不改古衣中畫圖瀟灑詩千首  
心地通明月一輪鐘鼎虛名雖是貴簞瓢陋巷且安貧  
客來問我平生事寵辱俱無老逸民

謁秋厓先生方吏部墓借斗山韻

厓翁底事姓名香照世文章日月光葭塢留荷啼曉露  
繭窩埋玉黯斜陽碑刊地記生前撰甃蝕苔痕去後荒

野趣不虛畫  
一炷爐熏瞻敬罷教人空結九回腸

次韻塞下曲

貂裘羶帽紫驂騮挾彈彎弧架鐵矛飛放歸來天欲暮  
數聲羌笛起高樓

觀中桃花次友人韻

琳宮深處小桃紅當日玄都事已空今見花開渾似舊  
不知又隔幾春風

拙稿呈許侯

拙稿攜將謁使君區區那敢冀知聞編成初卷如終卷  
賦就三分誦七分妄意僭干修月斧刪蕪端藉運風斤  
一經題品便佳士庶別叢間猶與薰

贅林路教

千載孤山處士星只將閒逸了平生一聯好句香猶在  
幾世聞孫聲最清泮水工夫施教雨梅花標格待和羹  
不知野叟何緣分邂逅城闈幸識荆

許侯贈詩借韻謝二首

揮灑雲煙筆有神袞袞字字燭吾真從今詩畫多增重  
寒谷頓回天地春  
政徹宸旒久有聲何消入夢更圖形行看大展經綸手  
整頓乾坤萬國寧

初度 丙戌

行止由來不自知八年初度寓僧廬半生閒逸雲無定



兩鬢蕭騷雪尚疏豈願身榮如衛鶴祇慙技拙類黔驢  
今朝六十從頭起數到稀年更有餘

借吳直軒韻別黃仲宣

世路閒關迥不同生涯澹薄硯池中買蓑去伴玄真子  
着句來違黃石公雖慰曉猿兼夜鶴卻嗟社燕與秋鴻  
從今雪月交光夜乘興當思泛短篷

次吳友梅假山韻

石骨嵌巖聳怪形主人對此快詩情若教老筆來模倣  
盤礴終朝畫不成

花朝

花朝恰了一分春雨雪陰霾占兩旬物態未妍寒瑟縮

人生易老事因循洗甕杯酌浮蛆酒擁地爐燒帶葉薪  
翻憶昔年成感慨長官治郭劭耕民

上疏齋盧按察

歛境爭先覩使星玉川風致是前生壯懷學富五千卷  
明月光分十一城吏立寒冰驚號令民沾和氣樂耕耘  
政聲久徹宸旒聽行看金甌覆姓名

又自述

自憐雙鬢已星星書劔無成老此生願識荊州輕萬戶  
要令和壁重連城敲推風月詩隨興模寫江山筆代耕  
聞道珠璣囊拍塞願分顆粒振聲名

詩謁按察疏齋賜賤號二大字賦詩以謝

野趣有聲書  
幸披雲霧覩青天盡道山人有宿緣得坐春風纔半日  
勝居塵世已千年槎枯許到銀河畔葭老容依玉樹邊  
兩字光芒關不住私心猶敢覓新篇

病起 三首

一病已兼旬朝來試整襟眼前驚霧散耳底怪蟬吟  
點塵侵硯爬搔雪滿簪春歸渾未省綠樹又成陰  
彈指歎吟身慳慳滿六旬維摩寧久病孺子豈長貧  
雖欠詩邊興還存筆底春莫言憔悴損梅瘦越精神  
病起覺癡聾徐行脚躡空杖能供半力藥已奏全功  
整頓身仍健優游道未窮呼兒滌泓穎拂素貌漁翁

清明

清明又向客中過憶着家山事若何未及掃松徒悵恨  
偶因得句漫吟哦六旬身世憂懷少九十春光陰雨多  
對景豈宜虛負卻把柸須令醉顏酡

遊水西次吳秋礪韻

松陰石徑絕纖埃緩步行春得得來風景一川詩料足  
樓臺兩岸畫圖開山花亂插鬢鬆鬢村酒頻傾激灩栝  
扶醉歸來天欲暮數聲鼓角又相催

餞盧按察

輶車至日歲將更又趁熏風理去程歷徧山城留好句  
蘇回民瘼快輿情人言但有官如此世道應無事不平  
祇恐江東難久駐看看詔趨秉鈞衡

借虛翁擁金門城望五詩韻以寫幽居之興

數竿修竹半池荷密掩柴門少客過筆底畫能希李郭  
囊中詩欠似陰何一心夜月炯長在兩鬢秋霜積未多  
花甲明年重數起幸逢塵世息兵戈

半生迹未歷江湖闊地東郊旋翦蕪結屋池邊塵自少  
蒔梅窗外俗全無偶來啜茗謝良友不肯趨時愧腐儒  
卻笑一寒難措手欲裨短褐折天吳

時光迅速走雙輪忽憶前朝事已陳門外難交騎馬客  
竹邊惟結話詩人人生來豈羨陶朱富老去寧甘原憲貧  
處世自憐渾不解江山聊助筆頭春

細撚吟髭漫賦詩騷人那敢與爭馳傾杯對月風清夜

倚杖觀山雲斂時世事安危渾莫問人生得失底須悲  
何當琢就梅花句付與高樓畫角吹

堂標野趣豈虛傳坐看朝嵐與夕煙支徑縈迂斜傍竹  
幽池清淺倒涵天少年心付沾泥絮晚景身猶順水船  
卻喜傳家惟老硯麝煤磨盡可曾穿

避暑次葉教授韻

炎天無處滌煩心拂拭蒼苔坐茂林貪撚吟髭搜好句  
不知日轉已移陰

感懷二首

桂薪米玉轉煎熬口體區區不勝勞今日難謀明日計  
老來徒羨少年豪皮膚剝落詩方熟鬢髮滄浪畫愈高



自顧一寒成感慨有誰能肯解綿袍  
長吟抱膝更欵欵較着前時迥不如世事看來巢幕燕  
人生勦破上竿魚投非所嫁緣工瑟見匪相知嬾曳裾  
造物豈應私困我還須水到自成渠

次金東園農家雜詠八首

買酒割雞祠社後踏歌槌鼓鬧清明柔桑葉長蠶苗出  
從此關門禁客行  
林下敲傾茅草屋門前詰曲竹笆籬數聲清笛知何處  
牛背斜陽牧豎吹  
遲日麗時秧刺水午風暄處麥掀髯一村桃杏紅如錦  
旋數青銅傍酒帘

趁雨足時翻畎畝插秧徧後便耔耘願天頻把甘霖霑  
佇看豐年萬頃雲

嘗稻翻匙誇白雲腰鎌荷擔刈黃雲逢人漫說空辛苦  
償債輸官費九分

四郊穰稔高低熟幾處連耒澎湃聲婦餉區區無寸暇  
績麻猶趁月華明

戰伐已聞初卸甲耘耔卻喜近天丁明年小稔應堪望  
雪後平疇宿麥青

婦作生涯勤杼柚夫營活計在桑田老翁楮枲爐邊坐  
幼穉簷前負日暄

次金東園漁家雜詠八首

繫纜旋編新箬笠喜晴仍曬舊蓑衣岸飛柳絮河鮪上  
春漲幾添一尺肥

篙撐舴舺閒來往手把絲綸自卷舒妻子已諳風露慣  
篷窗便可當茅廬

醉來要把鵬爲餌夜後長將月作鉤浮利浮名渾不問  
數聲欸乃轉船頭

經行葦荻沙頭熟出沒風濤膽氣粗博得酒歸明月夜  
呼兒作鱠旋批鱸

愛玄真子吟佳句笑老姜公用直鉤一片水鄉供活計  
四時風月在扁舟

兩岸蘆花飛雪絮一江秋水接銀河平生不結榮華夢

只把青蓑當綺羅

那有清霜來鬢上畧無閒事上眉頭傍人借問家何處  
一葉輕舟水面浮

風緊岸邊安釣艇雲彤空裏散楊花披蓑頂笠攜魚去  
遙指前村問酒家

書懷

檢點頭顱髮半絲老來剗地費支持技緣冷淡知音寡  
事每差池賦命奇一暴十寒良可歎三平二滿且隨宜  
杜門嬾出過從少自錄唐詩旋課兒

荷花

竹邊窗外小池塘青蓋亭亭擁靚妝莫把仙娥相比擬

野趣有聲書  
合將君子爲平章凋時堪供真人艇老去猶充楚客裳  
幾夜月明風露下輸儂受用許清香

白蓮

橫塘清淺藕花開綽約冰姿絕點埃雨過渾疑湯餅試  
風生卻訝玉山積未經太液承恩去先向東林結社來  
銓次羣芳須第一妖紅麗紫盡與臺

餞趙可齋朝京

秋高秣馬理征鞍琴鶴相隨上帝關已有聲名聞草木  
又將詩句動夷蠻金鑿未賜金蓮炬玉陛將催玉筍班  
管取來年三二月定看畫着錦衣還

寄東麓趙贊府二首

佐邑潰陽綽有聲文章政事冠羣英南牆松想乘閒詠  
北海樽開已戒傾橫笛倚樓襟度逸攜琴帶鶴宦情輕  
結知當路交飛剡行看除書下玉京  
黃花開後驟征鞍再見黃花秋又殘隻字未能通間闊  
長箋先辱問平安共看明月隔千里獨對西風愧一寒  
祇有麓翁知我者何時會面話辛酸

壽許侯

星輝南極彩雲邊律轉黃鍾一日前河嶽間生賢太守  
椿松齊算老神仙心猶秋月燭千里人在春風度兩年  
祇恐練谿難久駐行看飛詔下堯天

連日雪次黃仲宣韻二首



野趣齋書畫  
天遣馮夷剪水飛，擎空萬木凍龍癡。寒思坡老玉樓句，清想劉义水柱詩。漫擁地爐然竹火，更垂紙帳當羅幃。誰知預作豐年瑞，不療貧家眼下飢。

連朝飛雪滿山城，恰負人言雪易晴。梅頓添肥香不減，竹雖暫屈節還清。閉門僵臥嗟寒士，煮水烹茶任巨卿。但喜遺蝗深入地，休誇李愬把吳平。

始生書懷三首

連年客裏度生朝，自草新詩慰寂寥。卻喜窗前風景好，梅花初放雪初消。

浮生六十度春秋，無辱無榮儘自由。但得此身强健在，明年花甲又從頭。

一片閒雲出岫遲，詩情畫思老來宜。莫言末技渾無用，傳入雞林未可知。

次程南仲韻五首

老來鶴髮更雞皮，計解曾無六出奇。耕釣雲煙三寸管，翦裁風月幾聯詩。逢人多謝開青眼，顧我惟慙匪白眉。世路近來難着腳，不如退步學聾癡。

生意窗前草不除，脩脩蒼玉自扶疏。貧將入骨誰憐我，富欲掀天命屬渠。學圃頻觀種樹傳，杜門幾似絕交書。有時間有過從者，分席非樵即是漁。

興來呼酒泛蒼巵，自笑醺醺作麼爲。細誦坡仙前後賦，更歌元亮去來辭。一心湛徹長如水，兩鬢鬢鬆半欲絲。

畢竟不消惆悵得蒼松獨傲歲寒時

倒指頭顱六十餘尤堪抱甕灌園蔬生來自得江山趣  
身後何消竹帛書無事闕懷心寂寂有時敲句意徐徐  
乘閒問柳尋花去緩步安然當小車  
賸喜壺中別是天誅茅結屋竹梅邊伴人有意一泓硯  
笑我無緣二頃田半醉半醒知酒聖非空非色悟僧禪  
門前青嶂渾如畫雲去雲來樹倚巔

野趣有聲畫卷下

野趣有聲畫跋

予嘗聞冰翁云家鑿有聲畫在淳元時如長慶雞林以  
吳漢亂真多散失焉此稿予族子瀚得之間持以示予  
予以歸之芳溪先生付託得其所矣楊氏後人尚世世  
寶之

嘉靖丙申冬東峰汪元錫識





不腐新而不怪詩妙至此非胷中有所養不能也予老矣不能悉爲提掇佳處舉其一足以知其餘焉至元乙酉良月之朔謹書於孚舟亭





